

中華民國三年九月三十日

# 政學紀聞



縣講演社刊發  
第三十一號

目錄

大總統申令

省令

世界要聞

演說

小說

北區學務委員查視學務報告

敬勸同胞勿吸紙烟歌

舊曆甲寅年七月二十四日

◎大總統申令

各省自改革以後。暴徒踵興。摧殘元氣。敲剝攘奪。良懦吞聲。我商民切齒痛心。引為大戚。上年贛寧肇亂。本大總統弔民伐罪。命將出師。天牖其衷。五旬底定。我商民亦以飽經痛苦。慄然於託詞政黨之亂首。無非盜賊行為。是用萬眾一心。拒逆效順。乃亂黨逋逃海外。仇視宗邦。凡可以擾害治安者。無所不至。甚至煽誘狼匪。奉為謀主。暗濟軍械。密遞音書。俾狼匪藉其兵糧。荼毒及於數省。滅絕人道。慘害生靈。嗟我黎庶。何以堪此。現在白狼股匪。業經各軍痛勦。潰散殆盡。匪首白狼亦已斃命。除嚴飭各軍搜捕餘匪。以靖閭閻外。著各將軍巡按使鄧統堯俞旨。

中華民國三年九月十三日

團各省亟應認真執事。以作表率。立即報官破獲。免致釀成鉅患。貽害地方。至邪說流行。青年易為所惑。應由父兄平時誥誡。毋受愚弄。致犯刑章。來軫方道。前車可鑒。當創鉅痛深之後。為有備無患之圖。協力同心。保全鄉里。期使安居樂業。鞏固國基。本大總統有厚望焉。此令。

中華民國三年八月十四日

發布政令。權在政府。服從政令。義在國民。而宣化承流。負有奉行政令之責任者。厥惟官吏。蓋政令之所自出。固為國家喉舌之司。實為人民耳目之寄。地方官吏。苟能奉公守法。身體力行。斯草偃風從。自收令出惟行之效。乃自改革以來。紀綱陵替。法守蕩然。甚

舊 歷 甲 寅 年 七 月 二 十 四 日

或自便私圖。弁髦命令。專擅固為瀆職。敷衍亦足害公。官吏無率循軌道之方針。則人民更何所措其手足。本大總統躬承重寄。責有專歸。當茲國基甫定。萬端待理之時。加以友邦失和。動關全局。凡內治外交各政策。幾經計畫而見諸實行者。既已著為令甲。宣布通行。各該官吏。自應協力同心。一體遵守。官常既肅。民意乃孚。茲特制定官吏違令懲罰令。凡我僚屬。務各尊重法令。共濟時艱。不得陽奉陰違。以身試法。本大總統為整一法規。刷新政治起見。自此令公布後。凡中外文武各官吏。如有違反命令情事。惟有執罰以繩其後。至此外或妨害國交。或構成外患。以及官吏瀆職等罪。刑律各有專條。仍應按律處斷。以肅官箴。 忽二

亡之秋。正有司憂勤惕厲之日。名詞官身。行毋再玩愒。因循致罹罰譴。凡百有司。其各懍之。此令。

中華民國三年八月十九日

◎省令

直隸巡按使公署飭第二六四六號

為通飭事。

財政部咨開。案查本部關於辦理驗契酌擬保護辦法一案。於本年八月六日。呈奉

大總統批令。准如所擬辦理。即由該部通行遵照。此批。等因。奉此。相應鈔錄原呈。咨請查照辦理。等因。准此。合就照錄原呈。通飭遵

舊曆甲寅年七月二十四日

照辦理此飭。

計抄原呈

呈為辦理驗契酌擬保護辦法以杜弊端仰祈

鈞鑒事。竊查此次辦理驗契原為保護人民財產起見。惟流弊甚多。不能不預為防範。聞各省往來有地非己有。漫填契紙。赴官投驗。預為侵佔地步。俟原主發見後與之爭執。而所持舊契又未報驗。不足作為証憑。以此提起訴訟。輾轉殊多。本擬由部通飭各省嗣後持契報驗。應由驗契所先將契紙暫存。一面將契內所載契主暨田房座落丈數分別錄出。張榜於各該區內。以一個月為限。限滿如果無人爭執。始准驗契。其口已重平云。

手續既繁而驗契期限尤長。大總統對於此項手續，不變更辦理。擬以驗契所內所存註冊底簿，凡屬業戶，均許隨時到所查閱。遇有假冒等弊，准原主告發，持契證明。如果屬實，應由地方官追銷假契，作為無效。並按照新刑律規定侵佔之罪，處以有期徒刑。似此嚴定辦法，庶弊端可期杜絕，而人民財產得收保護之實益。所有辦理驗契酌擬保護辦法緣由，是否有當，理合呈請大總統鑒核，批示遵行。謹呈。

中華民國三年九月五日

△世界要聞

△大總統對於籌備中立之慎重

現在各省籌備中立。關於外交軍事內政一切問題。事體重大。所  
有大總統決定機宜。政事堂奉諭後。即日封寄各省將軍巡按使  
遵照辦理。該文到日。須經該省主管長官。親自開拆。慎防洩漏而  
昭鄭重。

△檢查各報之認真

自歐洲戰事發生以來。大總統深恐報界違犯中立條件。致起國  
際交涉。特飭統率辦事處。組織檢報室。每日自午前八鐘至晚八  
鐘。均有人在該室辦公。星期亦不休息。其餘內務外交交通三部。亦  
各設有檢報機關。惟各部所檢查者。純係國元文帥府所檢查者。中  
外各報。近自迭次更正滿洲新聞。七羊惠



時報以故謠言漸息而誤會之處極少云

△政府對於英日之主張

青島風雲日急一日。聞統率辦事處奉大總統諭分致各省將軍密電一件。探其內容。係中央抱定之宗旨。關於外交問題。對於英原無偏重。對於日益主和平。應請仰體此意。恪遵辦理云。

△稅務處通飭各關洋員遵守中立條規

此次歐洲開戰。我國已宣布嚴守中立。所有各關檢查戰時禁品。均關重要。昨聞稅務處梁督辦。飭知總稅司通飭各關執事洋員。對於檢查商輪各事宜。一切遵照中立條規辦理。務須泯除國籍觀念。謹守職務。鞏固中立云云。

舊曆甲寅年七月二十四日

△法國取銷要求賠償間接損失

辛亥革命。法國曾要求賠償間接損失。迭經外交部據理駁復。茲聞外人傳說。法使現已通告外部。將間接損失賠償之要求取消。並謂純係顧全中國財政。並無他意云。

△庫倫俄軍撤回

江省消息。據云。現有商人歸自庫倫者。謂庫倫本駐有俄軍馬步砲各軍隊。甚為鞏固。自歐洲戰事發生。庫中俄軍。多已撤回。庫倫已經空虛。逆佛現正組織蒙古軍隊。保護宮室一隅。外蒙地面遼闊。皆付於不問。各旗蒙王。因之離心。若中國派員宣慰。各蒙王必可誠心內向。而庫倫蜀亡。

△中美借款有將由中立云

自歐洲戰事既起。大借款已無希望。聞我政府向美國殷實商家稱貸三千萬元。近日磋商漸已就緒。只須美政府承諾即可成立。美政府刻下既禁止投資歐洲各戰國。則我國借款當無不允許云。

△直省中立辦事所成立

直省地面遼闊。華洋雜處。逼近京畿。為北洋重要門戶。關於中立事宜。尤應格外注意。該省巡按使奉統率辦事處電諭後。已於公署內組織中立辦事所。遴委熟諳外交內政人員。逐日到所集議。認真辦理。現已完全成立矣。

△美國完全中立

德華日報載美國大總統以歐洲戰爭當以經濟為命脈。經濟不充則戰爭可息。因飭令禁止美國資本家接濟戰爭各國。謂戰爭一日不停。不得借款與戰爭各國云。

△美國艦隊抵滬

現值歐洲大戰。遠東佔有勢力之各強國。均捲入旋渦之中。東方各通商口岸。秩序漸亂。美國承受兩方面之寄託。並為助中國保守中立起見。特派兵輪九艘。昨日已抵滬云。

△浙省認購公債之踴躍

浙江認購內國公債。異常踴躍。現經屆巡按使報告政府。目前紳商軍警各界認定者。已達一百二十餘萬之鉅。現正設局勸募。

△演說

以為此等小事。我原不屑做。殊不想若既嫌事小。不能盡其才。原可以不就。既經擔任。又不肯盡力。便是曠職。於義務上是說不去的。又有人說。當一天和尚撞一天鐘。此種思想也。是由不負責任而出。人既任一事。就要把此事看作自己安身立命的所在。自己的義務在此。自己的名譽也在此。若勉強敷衍。如何能算忠於職業呢。若人人對於職業。都存一個不負責任的心。國家有不衰弱。社會有不墮落的麼。望我國民深以為戒也。

後漢時。鄧暉為洛陽上東城門候。光武常出獵。夜還時。城門已閉。鄧暉不肯開門。光武令人從門縫中與他相見。鄧暉到底不肯奉

舊曆甲寅年七月二十四日

詔。光武無法。只好從東中門入。明日鄧憚上書諫諍。光武以其能守職業。賞以布百匹。當君主專制時代。能够不肯趨承。力守職任。如鄧憚此等人。真是難得的了。

英王亨利第五為太子之時。有賓客犯罪下獄。亨利命刑官將他的賓客釋放。刑官報曰。刑官執法。不以親貴議減。亨利大怒。自己到法庭奪取。刑官不許。並戒亨利不得躁急。以自取辱。亨利愈怒。拔劍登堂。欲擊刑官。命左右曰。太子藐法有罪。宜赴獄。因謂亨利曰。太子他日將為國王。今乃壞法亂紀。將來何以服羣下。亨利自愧無言。擲劍於地。謝刑官就獄。後來亨利即王位。刑官來見亨利。一見大喜。稱其忠直。仍命執法。

△小說

無名

某無賴子係空手中之第一流也。急叩其故。嫗曰。近來各省將昔日濫發之紙幣。收回焚化。故冥間財源驟增萬萬金。因此金融活動。凡有力之鬼。無不搶得若干。窮鬼皆一變有錢。此窮鬼發財之一原因。無賴子曰。紙幣焚化。窮鬼發財。一般煙鬼。又何以不愁失。嫗曰。近來各省煙禁森嚴。凡抄得私帶之煙土。煙膏。皆當眾焚燒。冥間各屬。暴增煙土幾千千擔。煙膏幾萬萬兩。因此滿地皆是煙土。煙膏。凡吃煙之鬼。無不搶得若干。足供每日之吸吃。此又煙鬼得煙過癮之一原因。無賴子曰。現在予在人事。實為第一流之空手。既無錢用。又無煙吸。請阿婆將我帶到陰間。搶些鈔票。煙膏。

回來。豈不大妙。嫗曰。我能帶你去。不能帶你回。即使使你搶得鈔票煙土。有何用處。魚賴子默然半嚮。慨然曰。阿婆還是帶我去。讓我搶些鈔票煙土。寄在枉死城中。等到陰間革命。秩序大亂。我就趁勢溜回。嫗笑曰。怪不得大家叫你是空手第一流呢。魚賴子隨某嫗到冥間後。搶得鈔票一大摺。煙土一大包。好不快活。喜樂非常。對着老嫗笑着說道。自今以後。阿婆。我要錢用。就去換搶來的鈔票。我要煙吃。就去煮搶來的煙土。這等幸福。是阿婆送我的。老嫗笑道。你是個獸子。你在陽間。不會鑽門路去作個查紙幣的委員麼。如能作了此項收回紙幣的委員。公共的鈔票。你要留十萬元。就是十萬元。



◎北區學務委員查視各鄉小學校

大王辛庄初小學校

校舍係用廢廟舊址稍加修改。地勢高潔。北講室三間。寬大明亮。東內套一間為講員室。頗明潔。西陪房二間為校役室。東陪房二間甚污穢。宜大加掃除。改作厨室。櫥凳係新式。亦甚整齊。教員略備。教員陳國祿。高等小學畢業。人尚謹厚。到該校時。值午餐。未見上課。檢閱學生所作之文。尚未改正。亦多平劣。習字尚可。校董無定人。由五町輪流推舉值年。對於校中應辦事件。多數衍搪塞。學生共四十人。分四班教授。校風安靜。經費。校中公用學生均攤。教員薪金與修繕費。出自派捐。

邢家庄初小學校

校舍在村之東首路北。係新建築。地勢平坦。院落幽僻。北房五間。隔作三節。西內套三間為講室。窄而長。稍形黑暗。東內套一間為教員宿室。外一間為厨室。該校雖係新築。甚不合式。且厨室在教員室講室之間。多烟灰濁氣。有碍衛生。桌凳長式。五六人共一桌。極不適用。教具尚備。以校院作操場。雖不甚寬濶。尚可將就。教員王松齡。精神活潑。教授亦具熱心。觀教授三四年生國文。反覆詳盡。又能間以趣語。以振學生之精神。使學生樂聽不倦。管理亦嚴勵。學生均肅靜守規律。校董邢化周。人甚開通。辦事不避勞怨。學生共二十四人。分四班。一、二、三、四。

年生四人。經費收入學生每人若干。  
大李村初小學校

校舍係由舊廟改置。地勢僻靜。北講室三間。宏敞寬濶。後窗稍小。故室內不甚明亮。東講室三間。屋雖卑隘。空氣尚可流通。西教員室三間。甚為窄狹。又以外間作厨室。夏日炎熱。殊屬不便。院落短小。難容體操之用。現在平理校後隙地。可以改置操場。桌凳新式。亦高敷用。教具略備。教員封廉清。師範兼單級畢業。教法嫻熟。漢文亦有根底。觀授四年生國文愛國一課。反覆解畢。又將本課逐段筆法詳細說明。必令融化乃已。副教員孫毓珠。三年師範兼單級畢業。人甚沉靜。教授一年生國文。講解清晰。教音亦宏亮。該校教員

利用繪畫。每授一事物。必隨手繪一略圖以表明之。使學生得正確之觀念。故該校學生進步甚速。成績頗佳。校董劉星棠熱心辦公。校內一切。盡賴維持。學生共五十八人。分四班。經費全年支出約計三百餘吊。收入學生學費每人二吊。其餘以畝捐協濟。

辛村初小學校

校舍係就廟宇稍加修改。地勢高潔。北講室三間。高大明亮。西北厦二間。為夏日茶室。東陪房前年被雨摧塌。已囑校董趕緊修理。以為學生休息之所。西陪房二間。為教員宿舍。與講室距離稍遠。管理不便。桌凳破壞。亦不敷用。小黑板。課程起止表。通學簿俱無。已限十日內購製齊備。教員張壽春。師範員及

舉止端莊。到該校時。僅訪後在。分三班。均肅靜守規律。足見教員管理有方。經費全年支出約計二百餘吊。收入學生每人學費一吊。其餘按地畝均攤。

小曹庄初小學校

校舍借用民宅。地勢僻陋。北房三間。西內套一間。為教員室。東首二間為講室。甚形狹隘。學生異常擁擠。未闢後窗。空氣久流通。講壇小。黑板俱無。該村成學已數年。尚無講壇。如此敷衍。殊屬不成事體。又與住家同院。亦甚不雅觀。宜急籌備。修築合式校舍。桌椅又新舊不齊。亦不敷用。已囑該村趕速籌辦矣。教員胡贊廷。師範兼

舊曆甲寅年七月二十四日

單級畢業。人頗精神。到該校時。值課畢未見授課。考問各級學生。多不能回講。學生共二十八人。教授分四班。成績平。校風肅靜。管理尚可。校董馮利貞未見面。

◎敬勸同胞勿吸紙煙歌

勸我同胞。勿吸紙煙。保衛身體。益壽延年。煙捲毒。

確有數端。至烈之質。曰尼古典。尼古典質。其毒最猛。

一釐食犬。立即喪生。莫謂吸煙。毒微可輕。日積月累。

成患無形。青年童子。莫吸紙煙。方芽弱質。豈堪摧殘。

人在幼稚。受毒吸煙。腦力不敏。身力不全。學不能精。

農不能勤。怠於工商。難乎為人。

根本既傷。

國又焉存。

一區女一

一區女一

急務當先。

婦女抽煙。

身心受患。

有傷母德。

有害針線。

從來惡樹。

難生佳果。

天演公理。

千古不磨。

母道既虧。

一家之禍。

家不能立。

又焉有國。

煙捲為害。

家敗國衰。

不第流毒。

而且耗財。

每年煙費。

萬千萬百。

半係自造。

半從外來。

嗟我祖邦。

屢薦災荒。

嗷嗷待哺。

載胥載亡。

節費救難。

恤憐之常。

同胞饑饉。

我心憂傷。

同胞同胞。

勿吸紙煙。

紙烟流毒。

甚於鴉片。

傷我婦女。

害我青年。

男婦老幼。

無不摧殘。

紙煙紙煙。

勿來我華。

勿禍我國。

勿害我家。

煙捲營業。

勢如暗殺。

其行可恨。

其幟可拔。

日四十二月七年寅甲曆舊

秋 之 月

1. 3 5 i | 6 1 6 5 - | 4. 5 3 1 | 2 - 1 0 |

當空皓魄 一輪圓 皎皎如玉盤

5 5 4 4 | 3. 5 3 2 - | 5 5 4 4 | 3. 5 3 2 - |

荒普照 放光明 — 塵埃洗盡妖魔遠

1. 3 5 i | 6 1 6 5 - | 4. 5 3 1 | 2 - 1 0 |

心好比 秋之月 — 秋月宜賞 玩 —

蔡頴之製歌

(仿春之花調)